

Adroddiad Blynyddol yr Ymddiriedolwyr o 1 Ionawr 2022 hyd at 31 Rhagfyr 2022

Enw'r Elusen: Eglwys Gydenwadol Emaus Bangor SCE

Rhif yr Elusen: 1188238

❖ Amcanion a Gweithgareddau

Prif amcan yr Eglwys yw hyrwyddo'r ffydd Gristnogol yn ôl egwyddorion enwadau'r Annibynwyr a'r Bedyddwyr yng Nghymru fel aelod o Undeb yr Annibynwyr Cymraeg ac Undeb Bedyddwyr Cymru. Gall yr Eglwys hefyd hybu addysg a chyflawni amcanion elusennol eraill yn y Deyrnas Unedig a/neu mewn rhannau eraill o'r byd.

Mae'r Eglwys wedi ei hymrwymo i gyrraedd cynulleidfa eang o fewn dinas Bangor a thu hwnt gan agor ei drysau i gynifer â phosibl i addoli yn yr Eglwys ac i fanteisio ar bob cyfle i ymuno mewn gweithgareddau addoli a chymdeithasol trwy gyfrwng y we a dulliau eraill. Mae'n rhoi ffydd ar waith mewn gweddi a gweithred, mewn cân a sacrament.

Wrth gynllunio ein gweithgareddau ar gyfer y flwyddyn rhown bwyslais ar gynorthwyo pawb i fyw eu ffydd o ddydd i ddydd fel rhan o deulu'r Eglwys. Gwnawn hynny trwy:

Addoli a gweddi; astudio'r Gair a datblygu ein dealltwriaeth o'r ffydd Gristnogol.
Darparu gofal bugeiliol.
Cynorthwyo plant a phobl ifanc i dyfu yn y ffydd.
Hybu gwaith cenhadol.

I hyrwyddo'r gwaith hwn mae'n bwysig i ni gynnal yr adeilad a datblygu ein dulliau cyfrifiadurol, gan fanteisio ar y cyngor a'r cymorth a dderbynnir gan Undeb yr Annibynwyr Cymraeg ac Undeb Bedyddwyr Cymru.

Wrth gynllunio a datblygu rhaglen waith yr Eglwys, rydym yn ceisio dilyn anogaethau ein ffydd a gwrandao ar leisiau'n haelodau ac ymateb i bobl anghenus yn ein cymdeithas a'n byd gan wneud hynny yn ymwybodol o ganllawiau arweiniad y Comisiwn sy'n ymwneud gyda budd i'r cyhoedd.

❖ Cyflawniadau a Pherfformiad

Ailadeiladu

Cyfnod o ailadeiladu fu 2022 mewn llawer ffordd. Er cymaint y temtasiwn i fynd yn ôl i sut oedd pethau cyn y Pandemig, llwyddwyd i ddysgu o'r cyfnod clo ac i fabwysiadu rhai o'r pethau gorau oedd wedi codi fel rhan o strategaeth goroesi yn ystod y cyfnod hwnnw yn rhan annatod o fywyd a gwaith yr eglwys wrth symud ymlaen.

Addoliad a Gweddi

Yn ystod y flwyddyn, roedd modd i ni ddarparu oedfaon bob bore Sul ar nifer o themâu yn perthyn i'r ffydd Gristnogol. Roedd y gwasanaethau'n cynnwys y cyfle i addoli, i ddysgu mwy am ein ffydd ac i weddio am faterion personol, lleol a rhyngwladol. Manteisiwyd ar gyfle yn fisol i groesawu gweinidog gwadd i arwain ein gwasanaethau a'r gweddill yn cael eu harwain gan y gweinidog a nifer o blant, pobl ifanc ac oedolion. Rhoddwyd y cyfle i un o'n haelodau i baratoi a thraddodi pregeth am y tro cyntaf fel ffordd o gynyddu nifer y rhai sy'n hyderus i gynnig eu hunain i'r gwaith pwysig yma.

Yn ystod y flwyddyn, dewisodd nifer o bobl ddod i'r capel i addoli ond roedd eraill, oherwydd rhesymau iechyd neu amgylchiadau, yn dewis ymuno ar Zoom naill ai drwy'r cyfrifiadur neu ar ffôn y tŷ. Dosbarthwyd deunydd myfyrio wythnosol i 80 o gartrefi drwy'r We a dosbarthwyd yr un deunydd i 20 o gartrefi nad ydynt yn defnyddio'r We. Ar ddechrau 2022 roedd 160 o aelodau ar lyfrau'r eglwys ond mae dylanwad yr eglwys yn ehangach na hynny, a'i drysau'n agored, gan gynnwys dros y We, i gyrraedd cynulleidfia estynedig.

Plant, Pobl ifanc a'u teuluoedd

Er i ni lwyddo i gadw cysylltiad da gyda phlant, pobl ifanc a'u teuluoedd yn ystod cyfnod Covid, bu'n fwy anodd gwneud hynny wedi i fudiadau a sefydliadau eraill ailagor eu drysau a threfnu gweithgareddau ar foreuau Sul, yr adeg draddodiadol i gynnal oedfa ac Ysgol Sul. Mewn ymateb i hyn, ceisiwyd trefnu gweithgareddau iddynt ar adegau penodol yn y mis (ee oedfa pob oed ar yr ail Sul yn y mis) a threfnu gweithgareddau o fath wahanol (ee te bach a gemau ddiwedd pnawn Sul a gwibdaith i Gastell Penrhyn) yn ogystal ag ambell wers Ysgol Sul mwy traddodiadol.

Addysg Oedolion

Mae dosbarth Ysgol Sul yr oedolion yn fforwm wythnosol werthfawr i astudio'r Beibl a dyfnhau dealltwriaeth o'n ffydd. Yn ystod 2022 roedd modd ini dderbyn arweiniad gwahanol aelodau o'r dosbarth oedd yn ychwanegu at gyfoeth y sesiwn gan fanteisio ar adnoddau gwerthfawr yn y Gymraeg gan Gyhoeddiadau'r Gair.

Cyfathrebu a Gofal Bugeiliol

Yn ogystal â derbyn deunydd addoli wythnosol, roedd aelodau a chyfeillion yr eglwys yn derbyn llythyrau yn ystod y flwyddyn ar ebost neu trwy'r drws yn cynnwys newyddion am gydaelodau, hysbysiadau am ddigwyddiadau ac unrhyw ddiweddariad am drefniadau addoli yn y Capel.

Yn ogystal, dosbarthwyd cylchgrawn misol – Y Negesydd – yn ddigidol ac yn gopiâu caled i'r sawl oedd yn dymuno hynny drwy'r flwyddyn. Roedd hyn yn gyfle i'r aelodau ddefnyddio eu doniau creadigol i gyfrannu erthyglau a lluniau i'r cylchgrawn ac yn ychwanegu at ein nod o gyfathrebu'n dda i gadw pawb gyda'i gilydd.

Mae cyfathrebu'n effeithiol gyda'n haelodau a'n cyfeillion yn greiddiol i waith yr eglwys, boed trwy ymweliadau neu trwy godi ffôn neu trwy rannu deunydd darllen, y cyfan dan arweiniad gweinidog yr eglwys gyda chymorth rhwydwaith o gynorthwyr.

Mae'r gweinidog a nifer o'r aelodau yn cadw cysylltiad hefyd gyda chleifion yn yr ysbyty, yn eu cartrefi ac mewn cartrefi gofal. O dro i dro, yn dilyn profedigaeth, cynhaliwyd

gwasanaethau angladd ac ymweliadau bugeiliol gyda theuluoedd mewn galar a hyn yn rhan o ofal bugeiliol naturiol yr eglwys i'r galarus.

Yn ystod 2022, cynhaliwyd cyfarfodydd 'paned a sgwrs' misol dros Zoom yn festri'r eglwys, yn gyfle i aelodau a chyfeillion gynnal ei gilydd yn ogystal â thrafod materion y dydd. Er mor brysur yw bywydau pawb y dyddiau hyn, bu criw cyson, ffyddlon yn dod i'r weithgaredd yma oedd yn help i greu'r ymdeimlad o deulu.

Gwaith cenhadol a chymdeithasol

Mewn blwyddyn arferol, mae grŵp o'r aelodau yn cynnal cyfarfodydd misol yn yr adeilad i hybu pryniant nwyddau Masnach Deg ac i gefnogi gwaith Traidcraft. Llwyddwyd i gynnal y ddarpariaeth hon yn 2022 er gwaetha'r ffaith bod Traidcraft yn mynd drwy ddyddiau dyrys yn dilyn dros ddeugain mlynedd o fasnachu llwyddiannus.

Llwyddodd yr Eglwys unwaith eto i gyfrannu at weithgareddau Cytûn Bangor yn cynnwys cydaddoli a chefnogi elusennau lleol. Llwyddwyd i ddal ati i gefnogi'r Banc Bwyd Lleol a hynny mewn cyfnod pan mae mwy o angen nag erioed am y ddarpariaeth yma oherwydd y dirwasgiad yn dilyn y cyfnod clo.

Er gwaetha'r argyfwng costau byw, llwyddwyd i ddal ati i gyfrannu i roi cymorth dyngarol yn rhyngwladol. Cafwyd cefnogaeth dda i weithgareddau Cymorth Cristnogol a'r BMS (Baptist Missionary Society) yn ystod y flwyddyn gyda'r aelodau'n cael y fraint o gyfrannu'n hael yn ôl eu harfer at yr angen mewn gwledydd sy'n datblygu. Bu'r byd a'i anghenion yn ein gwasanaethau ac yn ein gweddïau'n gyson.

Daeth misoedd cyntaf 2022 â rhyfel erchyll i'r Wcrain ac ymhen rhai misoedd daeth nifer o ffoaduriaid oddi yno i wneud eu cartref yn ein plith yma ym Mangor. Cafwyd cyfraniadau o arian ac offer i'r tŷ gan aelodau Emaus a bu nifer ar rota canolfan 'galw i mewn' a gynhaliwyd yn Nhy'r Cyfeillion, Stryd y Deon dan nawdd y mudiad Croeso Menai. Datblygwyd noson gymdeithasu a chreffft ar nosweithiau Mercher yn Emaus oedd yn gyfle da i'r ymwelwyr o'r Wcrain i ddod i nabod ei gilydd yn well a gwneud gweithgareddau tawel a llesol i'w hiechyd meddwl gydag ambell i noson mwy bywiog o gemau a chwis. Roedd y cyfan dan arweiniad y mudiad Pobl i Bobl mewn cydweithrediad gydag aelodau Emaus.

Yn 2022 dechreuodd partneriaeth newydd rhyngom ag Eglwys Uniongred Blaenau Ffestiniog wrth iddynt drefnu i gynnal Offeren fisol yn adeilad Emaus. Yn wreiddiol, y bwriad oedd darparu ar gyfer ymwelwyr o'r Wcrain oedd yn lletya yn ymyl ond o dipyn i beth tyfodd yr Offeren yn gyfle cenhadol iddynt estyn allan i bobl o nifer o wahanol gefndiroedd ac ieithoedd yn ardal Bangor.

Braf oedd gweld Bugeiliaid y Stryd yn mynd allan ar eu teithiau bugeiliol ar benwythnosau yn ystod y tymor Coleg. Gyda rhai o'r gwirfoddolwyr yn ymddeol yn ystod y cyfnod clo, wynebodd y Bugeiliaid gyfnod o chwilio am wirfoddolwyr newydd a cheisio patrwm ychydig yn wahanol o weithredu wedi'r Pandemig.

Braint oedd gwasanaethu Crist yn ei Eglwys ac yn ei fyd yn ystod 2022 dan arweiniad ein Tad Nefol, yng nghwmni Crist ein ffrind a'n Gwaredwr ac yn nerth yr Ysbryd Glân. Braf oedd cael cwmni'n gilydd fel gweinidog, swyddogion, aelodau a chyfeillion ar y daith.

❖ Adolygiad Ariannol

Ein hincwm net am y flwyddyn (ar ôl didynnu symiau a godwyd ar ran elusennau allanol) oedd £47,039. Mae hyn yn llai na'r llynedd oherwydd gostyngiad o 7% yng nghyfraniadau'r aelodau.

Unwaith eto, rydym yn ddiolchgar iawn i Gymanfa Undeb Bedyddwyr Cymanfa Arfon a Chyfundeb Annibynwyr Gogledd Arfon am grantiau gwerth £12,460 a dderbyniwyd ganddynt tuag at gost cyflogi ein gweinidog. Gwariwyd 96% o'n hincwm net am y flwyddyn ar y weinidogaeth (81% y llynedd), yn cynnwys bron iawn £2000 a dalwyd fel ffioedd aelodaeth i'r ddau Undeb cenedlaethol a £3849 ar logi swyddfa bwrpasol i'r gweinidog ym Mhrifysgol Bangor.

Fe wnaethom barhau i fabwysiadu agwedd ofalus tuag at logi ein festri yn y cyfnod ar ôl COVID-19 ac yn lle hynny canolbwyntio ar wella'r amgylchedd i'r defnyddwyr. Yn hyn o beth gwariwyd £4338 ar warchodwyr rheiddiaduron pwrpasol fel gwelliant iechyd a diogelwch, yn enwedig i blant bach

Cyfanswm yr offrymau gan ein haelodau am y flwyddyn (ac eithrio unrhyw ychwanegiad a wnaethpwyd ar gyfer Rhodd Cymorth) oedd £28452, wedi'i ddadansoddi fel a ganlyn:

Nifer o aelodau yn cyfrannu:		Cyfanswm:
£750 neu fwy	7	£5860
Rhwng £500 a £749	10	£6120
Rhwng £250 a £499	26	£8775
Rhwng £100 a £249	40	£6547
Rhwng £25 a £99	27	£1150
Dim	50	£0
Cyfanswm	160	£28452

Cynyddodd nifer yr aelodau na wnaeth unrhyw gyfraniad ariannol i gronfeydd yr Eglwys o 44 i 50 yn 2022, sef bron i draean yr aelodaeth. Mae hyn yn rhywbeth y mae angen i'r Eglwys fynd i'r afael ag ef drwy ddyfeisio polisi cyhoeddedig sy'n cael ei weld yn deg a hefyd sy'n cydnabod y rhesymau niferus pam mae aelod yn dewis peidio â chyfrannu.

Ar nodyn mwy cadarnhaol mae ein haelodau wedi ymateb yn arbennig o dda a hael i apelïadau argyfyngus byd a lleol dros y flwyddyn, a chodwyd cyfanswm o £5698 rhwng Cymorth Cristnogol, Apêl Wcráin, BMS a Banc Bwyd Bangor. Er mwyn gwahanu'r arian a gasglwyd ar gyfer apelïadau o'r fath rydym bellach wedi agor cyfrif ar wahân at y diben hwn yn 2023.

Trosglwyddwyd buddsoddiadau gwerth £503,656 i Emaus SCE yn nhrydydd a phedwerydd chwarter 2022. Roedd y rhain yn cynrychioli asedau a ddelid gynt gan Ymddiriedolwyr Eglwysi Pendref a Phenuel. Roedd y trosglwyddiadau yn rhy hwyr yn y flwyddyn i gynhyrchu unrhyw incwm ond rydym yn rhagweld y byddant yn cynhyrchu o leiaf tua £12,000 y flwyddyn i'r Eglwys o 2023 ymlaen.

Ar ôl tynnu gwariant cyfalaf ac eithriadol mae'r cyfrifon yn dangos colled o £15726 am y flwyddyn. Gyda'r incwm y bydd ein buddsoddiadau ychwanegol yn ei gynhyrchu, rydym yn hyderus na fydd colled mor fawr â hyn yn digwydd yn y dyfodol. I'r perwyl hwn mae'r Ymddiriedolwyr wedi cynhyrchu a chytuno'r "Polisi Arian Wrth Gefn" canlynol:

“Mae Ymddiriedolwyr Emaus SCE yn ystyried yn ddoeth, yn amodol ar adolygiad blynyddol i:

- ddefnyddio'r incwm o'r buddsoddiadau i gryfhau incwm yr Eglwys a lleihau neu ddileu'r bwlch rhwng ein hincwm a'n gwariant.
- defnyddio'r cyfalaf a fuddsoddwyd yn ein cronfeydd anghyfyngedig yn unig, cyn belled ag y bo modd, ar brosiectau penodol sy'n arwain at gyfoethogi nodau ac amcanion ein heglwys a'i Chyfansoddiad.
- rhoi blaenoriaeth i ddefnyddio'r cyfalaf i gyflwyno mesurau ataliol ac amddiffynnol i ddileu'r holl beryglon iechyd a diogelwch a nodir gan waith parhaus is-bwyllgor Rheoli Risg yr Ymddiriedolaeth.”

Yn olaf, mae'r ymddiriedolwyr yn hyderus wrth nodi nad oes gennym unrhyw ansicrwydd o gwbl y bydd Eglwys Gydenwadol Emaus Bangor SCE yn parhau fel mudiad Cristnogol gweithredol ym Mangor yn y dyfodol.

❖ **Strwythur, Llywodraeth a Rheolaeth**

Mae dogfen lywodraethol yr Eglwys yn Gyfansoddiad Sefydliad Corfforedig Elusennol gydag aelodau â phleidlais heblaw ei ymddiriedolwyr. Ysgrifennwyd y ddogfen hon yn dilyn canllawiau swyddogol y Comisiwn Elusennau.

Cynhaliwyd Cyfarfod Cyffredinol Blynyddol yr SCE yn Eglwys Emaus ar 13 Tachwedd 2022. Mynychodd 42 aelod y cyfarfod naill ai yn adeilad Emaus neu dros ZOOM. Cymeradwyodd y rhai a oedd yn bresennol adroddiad blynyddol yr SCE am y cyfnod hyd at 31 Rhagfyr 2021. Yn unol â thelerau ein Cyfansoddiad, ymddeolodd tri ymddiriedolwr presennol yn ffurfiol yn y cyfarfod a chynnig eu hunain i'w hailethol am gyfnod pellach. Yn dilyn trafodaeth gan yr aelodau, cytunwyd yn unfrydol i'w hail-ethol am flwyddyn arall.

Dewisir ymddiriedolwyr yn unol ag Adran 13 o'r Cyfansoddiad. Penodwyd pum ymddiriedolwr newydd ym mis Tachwedd 2022 gan ddefnyddio pwerau'r ymddiriedolwyr presennol o dan Adran 13 Chymal [5] o'r Cyfansoddiad. Roedd hyn yn dilyn ymgyrch recriwtio ymhlith yr aelodau i benodi ymddiriedolwyr newydd i lunio polisi risg a datblygu ar gyfer y SCE.

Mae'r ymddiriedolwyr yn gyfrifol am wneud penderfyniadau ar faterion seciwlar sydd o bryder cyffredinol a phwysig i'r Eglwys gan gynnwys sut mae cronfeydd yr Eglwys yn cael eu rheoli a'u defnyddio. Mae saith o'r ymddiriedolwyr naill ai'n ddiagoniaid neu'n swyddogion yr Eglwys, sy'n sicrhau bod perthynas cydlynol rhwng y ddau gorff. Maent yn parhau i weithio'n agos gydag ymddiriedolwyr cyn-Eglwys Pendref a chyn-Eglwys Penuel i drosglwyddo

asedau'r ddau gorff i'r SCE. Ar ddiwedd y flwyddyn yr unig asedau ar ôl oedd adeilad presennol yr Eglwys a'r cyfrif banc yn dal elw gwerthiant hen Eglwys Pendref. Mae'r holl asedau eraill bellach yng ngofal yr SCE.

❖ **Manylion cyfeirnod a gweinyddol**

Enw'r Elusen Eglwys Gydenwadol Emaus Bangor SCE

Rhif elusen gofrestredig: 1188238

Prif gyfeiriad yr Elusen Eglwys Gydenwadol Emaus
Lôn Cariadon
Bangor
Gwynedd LL57 2TE

Cyfeiriad gohebiaeth yr Elusen 11 Gorseddfa
Criccieth
Gwynedd LL52 0DW

Enw'r ymddiriedolwr	Swydd	Dyddiadau'n gweithredu (os nad am flwyddyn gyfan)
Gareth Ffowc Roberts*	Ysgrifennydd; aelod is-bwyllgor cyllid	-
Gwyn Eurig Davies*	Cyfreithiwr; aelod is-bwyllgor cyllid	-
Dilwen Lloyd Jones*	Ysgrifennydd yr Aelodaeth; aelod is-bwyllgor cyllid	-
David Llewelyn Jones*	Cadeirydd; trysorydd; aelod is-bwyllgor cyllid	-
Parch Casi Mackenzie Jones*	Gweinidog yr Eglwys; aelod is-bwyllgor Risg a Datblygu	1af Tachwedd 2022
Dylan Owen	Aelod is-bwyllgor Risg a Datblygu	1af Tachwedd 2022
Meriel Parry	Cadeirydd yr is-bwyllgor Risg a Datblygu	1af Tachwedd 2022
Siân Arwel Davies*	Aelod is-bwyllgor Risg a Datblygu	1af Tachwedd 2022
Alison Carden*	Aelod is-bwyllgor Risg a Datblygu	1af Tachwedd 2022

**hefyd yn ddiaconiaid neu swyddogion yr eglwys*

Ymddiriedolwyr corfforaethol – Dim

Enw'r ymddiriedolwyr sy'n dal teitl eiddo sy'n eiddo i'r elusen - Dim


Cronfeydd a ddelir fel ymddiriedolwyr ceidwad ar ran eraill - Dim

Eithriadau rhag datgelu - Dim

❖ Datganiadau

Mae'r ymddiriedolwyr yn datgan eu bod wedi cymeradwyo adroddiad yr ymddiriedolwyr uchod.
Llofnodwyd ar ran ymddiriedolwyr yr elusen:

Llofnod



Enw llawn

David Llewelyn Jones

Swydd

Ymddiriedolwr a thrysorydd

Dyddiad

02 Hydref 2023

Datganiadau Ariannol am y flwyddyn i 31 Rhagfyr 2022

Cyfrif Incwm a Gwariant

	Cronfeydd anghyfyngedig	Cronfeydd dynodedig	Cronfeydd cyfyngedig	Cyfanswm	Y Llynedd
Incwm					
Offrymau	£ 28,452	-	-	£ 28,452	£ 30,485
Casgliad rhydd	£ 105	-	-	£ 105	£ 7
Llogi'r Adeilad	£ 120	-	-	£ 120	£ 25
Rhoddion arbennig	£ 200	-	-	£ 200	£ 1,790
Cyfundeb Arfon (Grant)	£ 5,500	-	-	£ 5,500	£ 5,500
Cymanfa Arfon (Grant)	£ 6,960	-	-	£ 6,960	£ 6,630
Rhodd Cymorth	£ 5,651	-	-	£ 5,651	£ 5,473
Llog	£ 52	-	-	£ 52	£ 494
Apeliadau - nodyn (d)	£ 5,698	-	-	£ 5,698	£ 5,486
Is-gyfanswm	£ 52,737	-	-	£ 52,737	£ 55,890
Cyfanswm yr Incwm	£ 52,737	£ -	£ -	£ 52,737	£ 55,890
Gwariant					
Costau'r weinidogaeth - nodyn (a)	£ 45,033	-	-	£ 45,033	£ 40,991
Glanhau	£ 1,185	-	-	£ 1,185	£ 1,328
Cynnal ac atgyweirio	£ 472	-	-	£ 472	£ 1,104
Gwres a Goleu	£ 2,278	-	-	£ 2,278	£ 1,477
Yswiriant	£ 2,409	-	-	£ 2,409	£ 2,557
Garddio a chynnal tir	£ 1,230	-	-	£ 1,230	£ 2,255
Teleffon/gwasanaeth rhyngwrwyd/Zoom	£ 1,888	-	-	£ 1,888	£ 1,732
Gwariant swyddfa a'r gegin	£ 71	-	-	£ 71	£ 325
Mudiad y Chworiorydd	£ 20	-	-	£ 20	£ 20
Ffi'r Archwiliwr	£ 2,520	-	-	£ 2,520	£ 2,400
Trethi Dwr	£ 253	-	-	£ 253	£ 158
Organ	£ 515	-	-	£ 515	£ -
Llungopiwr	£ 1,461	-	-	£ 1,461	£ 1,405
Amrywiol	£ 328	-	-	£ 328	£ 353
Apeliadau					
Apêl Timothy Richards	£ -	-	-	£ -	£ 800
Ffoaduriaid	£ 675	-	-	£ 675	£ -
Cymorth Cristnogol	£ -	-	-	£ -	£ -
Banc Bwyd	£ 3,180	-	-	£ 3,180	£ 1,875
BMS	£ 2,276	-	-	£ 2,276	£ 1,220
Apêl Wcraïn	£ 2,670	-	-	£ 2,670	£ 942
Is-gyfanswm	£ 68,464	-	-	£ 68,464	£ 60,942
Prynu Asedau a Gwariant eithriadol					
Gweler nodyn (b)	£ 4,425	-	-	£ 4,425	£ 196
Gwariant eithriadol (c)	£ 2,586	-	-	£ 2,586	£ 540
Is-gyfanswm	£ 7,011	-	-	£ 7,011	£ 736
Cyfanswm y Gwariant	£ 75,475	-	-	£ 75,475	£ 61,678
Net o dderbyniadau/(taliadau)	-£ 22,737	0	0	-£ 22,737	-£ 5,788
Trosglwyddiadau rhwng cronfeydd					
cronfeydd wedi ei trosglwyddo gan					
Pendref a Penuel	£ 373,778	£ 129,878	-	503,656	
Cronfeydd ariannol 01/01/2022	£ 37,270	-	-	£ 37,270	£ 43,059
Arian ar law ar ddiwedd y flwyddyn	£ 388,311	129,878	-	£ 518,189	£ 37,271

Nodyn (a)

Costau'r Weinidogaeth	£ 27,644
Cynllun Pensiwn y Weinidogaeth	£ 2,759
Yswiriant Gwladol a Threth Incwm	£ 7,294
Cytun Bangor	£ 100
Llogi Swyddfa	£ 3,849
Yr Ysgol Sul	£ 386
Pregethwyr	£ 1,085
Undeb/Cymanfa Arfon	£ 1,422
Undeb/Cyfundeb Yr Annibynwyr	£ 495
£ 45,033	

Nodyn (b)

Microdon	£ 87
Gwarchodwyr rheiddiaduron yn y festri	£ 4,338
£ 4,425	

Nodyn (c)

Noddi Hannah Smethurst (myfyriwr)	£ 2,106
Cwmni Dafydd Hardy (priso'r adeilad)	£ 480
£ 2,586	

Nodyn (d)		
Banc Bwyd	£	2,045
Apêl Wcráin	£	1,668
BMS	£	1,153
Cymorth Cristnogol	£	832
	£	5,698

Datganiad o Asedau a Dyledion ar 31 Rhagfyr 2022

Categorïau	Manylion	Cronfeydd anghyfyngedig	Cronfeydd dynodedig	Cronfeydd cyfyngedig
Cronfeydd Arian Parod	Cyfrif Banc - Rhodd Cymanfa Arfon (Gwerthiant Bethel)	£ 8,024	£ -	£ -
	Cyfrifon Banc (eraill)	£ 6,509	£ -	£ -
	M&G Charifund (ex Ymddiriedolwyr Penuel)	£ 15,311	£ -	£ -
	Quilter (ex Ymddiriedolwyr Penuel)	£ 69,383	£ -	£ -
	HSBC (ex Ymddiriedolwyr Pendref)	£ 289,084	£ 129,878	£ -
	Cyfanswm cronfeydd arian parod	£ 388,311	£ 129,878	£ -

Asedau Ariannol Eraill	Manylion	Cronfeydd anghyfyngedig	Cronfeydd cyfyngedig
	Gordaliad i'r BMS	£ 825	£ -
	Rhodd Cymorth	£ 5,593	£ -


Asedau a gedwir at ddefnydd yr elusen yn unig	Manylion	Cost	Gwerth 31/12/2022
	Gliniadur (prynwyd yn 2020)	Cronfa anghyfyngedig £ 1,371	£ 500
	Gasebo (prynwyd yn 2021)	Cronfa anghyfyngedig £ 196	£ 30
	Microdon	Cronfa anghyfyngedig £ 87	£ 80
	Cloriau i'r rheiddiaduron yn y festri	Cronfa anghyfyngedig £ 4,338	£ 4,000

Dyledion	Manylion	Cost
	Treth Incwm ac Yswiriant Gwladol	Cronfa anghyfyngedig £ 2,123
	Banc Bwyd	Cronfa anghyfyngedig £ 330
	Cymorth Cristnogol	Cronfa anghyfyngedig £ 832
	Ecclesiastical Insurance	Cronfa anghyfyngedig £ 1,671

Arwyddyd ar ran yr ymddiriedolwyr

Cadeirydd a Thrysorydd

Llofnod



Enw

David Llewelyn Jones

Dyddiad

2 Hyd 2023

Adroddiad archwiliwr annibynnol ar y cyfrifon

Adran A

Adroddiad yr archwiliwr annibynnol

Adrodd i ymddiriedolwyr

Enw'r Elusen

Eglwys Gydenwadol Emaus Bangor SCE

Cyfrifon ar gyfer y
flwyddyn yn diweddu

31ain Rhagfyr 2022

Rhif
Elusen

1188238

Adroddaf i'r ymddiriedolwyr ar fy archwiliad o gyfrifon yr elusen uchod am y flwyddyn a ddaeth i ben 31 / 12 / 2022.

Cyfrifoldebau a sail yr
adroddiad

Fel ymddiriedolwyr elusennau'r Ymddiriedolaeth, chi sy'n gyfrifol am baratoi'r cyfrifon yn unol â gofynion Deddf Elusennau 2011 ("y Ddeddf").

Datganiad arholwr
annibynnol

Adroddaf mewn perthynas â'm harchwiliad o gyfrifon yr Ymddiriedolaeth a gynhaliwyd o dan adran 145 o Ddeddf 2011 ac ymgymryd â'm harchwiliad, dilynais yr holl Gyfarwyddiadau perthnasol a roddwyd gan y Comisiwn Elusennau o dan adran 145(5)(b) o'r Ddeddf.

Rwyf wedi cwblhau fy archwiliad. Cadarnhaf nad oes unrhyw faterion perthnasol wedi dod i'm sylw mewn perthynas â'r archwiliad annibynnol sy'n rhoi achos i mi gredu mewn unrhyw ystyriaeth faterol:

- ni chedwir cofnodion cyfrifyddu yn unol ag adran 130 o'r Ddeddf neu
- nid yw'r cyfrifon yn cyd-fynd â'r cofnodion cyfrifyddu
- nid yw'r cyfrifon yn cydymffurfio â'r gofynion cymwys yn ymwneud â ffurf a chynnwys cyfrifon a amlinellir yn Rheoliadau Elusennau (Cyfrifon ac Adroddiadau) 2008 heblaw unrhyw ofyniad bod y cyfrifon yn rhoi darlun 'gwir a theg' nad yw'n fater i'w ystyried fel rhan o archwiliad annibynnol.

Nid oes gennyf unrhyw bryderon ac nid wyf wedi dod ar draws unrhyw faterion eraill mewn cysylltiad â'r archwiliad y dylid tynnu sylw ato er mwyn gallu cael dealltwriaeth gywir o'r cyfrifon.

Arwyddwyd:

SMW

Dyddiad:

27/09/2023

Enw:

Sian M. Williams

Cymhwyster(au)
neu gorff proffesiynol
perthnasol (os oes rhai):

ICAEW

Cyfeiriad:

36, Stryd Fawr

Pwllhei

Gwynedd LL53 5RT